

Newtbec


NEW WAY OF BEING CHURCH

Hari Minggu Biasa ke-25

HARAPAN: PERCAYA, HIDUP DAN MEMBERI
**TEMA BULANAN:
SELURUH BUMI
MEWARTAKAN TUHAN**

Jadilah Seperti Anak-anak Kecil Ini

Ketika murid-murid berdebat siapa di antara mereka yang paling hebat, Yesus membuat mereka kecewa. Sebaliknya Dia memanggil mereka kepada layanan rendah diri dan menyerupai anak-anak kecil. Sekali lagi, Dia juga berbicara kepada kita masing-masing. Tetapi, bagaimana kita dapat menjadi seperti anak-anak kecil ketika kita menghadapi "hal-hal dunia" setiap hari dan semua godaan yang menunggu? Bagaimana kita dapat mempertahankan kepolosan seperti anak-anak dan memperoleh kemenangan yang telah dirancang oleh Kristus untuk kita ketika perangkap dan



kejahatan mengintai di sekitar kita sama seperti pada zaman Yesus? Bagaimana anda meminta orang dewasa yang gaya hidupnya dipenuhi pelbagai tugas, kewajiban, masalah dan beban untuk menjadi "seperti anak"? Kalaulah ianya semudah itu;

Malah kadang-kadang, kanak-kanak boleh menjadi licik. Dia mungkin tahu bila dan apa yang harus ditangisi, atau kepada siapa untuk berjumpa, dan dari siapa untuk mendapatkan sesuatu. Orang dewasa juga boleh seperti itu. Kita sering tahu bila dan bagaimana mendapatkan sesuatu dengan cara kita. Namun, Yesus tidak merujuk kepada sifat-sifat manusia seperti itu, yang terdapat dalam diri kita masing-masing. Sebaliknya, Dia merujuk pada 'kebergantungan' kepada-Nya dan membina hubungan yang ikhlas dengan-Nya, sama seperti seorang anak bergantung pada ibu bapanya. Ini adalah tentang memiliki kesucian seperti anak yang memanggil kita untuk mencari Bapa dalam semua yang kita lakukan dan belajar untuk mempercayai Dia dalam semua perkara.

Bolehkah kita dengan tulus mengatakan bahawa kita percaya dan bergantung pada Tuhan? Di dalam suratnya, Yakobus berbicara tentang apa yang kita lalui ketika kita tidak mengimani dan percaya kepada Allah. **Sering kali, kita cenderung berlari dalam bulatan, kadang-kadang dalam keadaan bergolak tanpa bergantung kepada Allah.** Pemazmur mengingatkan kita bahawa Tuhanlah yang memelihara kehidupan kita. Namun, dalam kesibukan hidup, kita lebih suka menghadapi dunia yang tidak yakin dan tidak stabil daripada menuju ke pelukan Bapa. Kebenarannya adalah kita tidak perlu bersusah payah dan bergelut dengan dunia ketika kita bergantung pada-Nya.

Marilah pada hari ini kita melihat kembali hubungan kita dengan Allah. Bolehkah kita, seperti anak kecil, selalu kembali kepada Bapa dan duduk di kaki-Nya setiap hari, dan belajar untuk bergantung dan mempercayai Dia pada setiap saat? ✚

PETIKAN TULISAN
SUCI UNTUK
DIHAFAL:

"Sesungguhnya,
Allah adalah
penolongku;
Tuhanlah yang
menopang aku."

(Ps. 54: 4)

AYAT SUCI
MINGGU INI

Kebij. 2: 12, 17-20;

Maz. 54: 3-6, 8;

Yak. 3: 16 – 4:3;

Markus 9: 30-37.